



Heinricus Brabantinus eruditione & uitaē sanctitate conspicuus extitit. Itaq; S. Aegidij in Brūsiūco abbas electus fuit. Is cum Henrico Vandalorum principe Hierosolymam proficiscens, Constantinopoli in praesentia Imperatoris cum Graecis de S. Spiritus processione disputauit, atq; ex ipsorum Orthodoxis patribus ijs ostēdit, eum à patre & filio simul procedere. Cum is domum reuersus esset, atq; Lubecensis ecclesia suo pastore orbaretur, Henricus omnium consensu eius loci Episcopus constitutus fuit. Cum ei literae electionis & principis uoluntas significaretur, Legati eū intuentes eius sententiam inquirebant. Ille ut erat

singulari prudētia praeditus, defixo diu in terram uultu, respondit: Magnum est, fratres, ad quod me uocatis officium, nihil ego in me tāta uestra de me expectatione dignum agnosco. quale sit onus uideo in Domini uinea laborantibus praesidere. quia tamen non tam ad honorem quàm laborem uocor, Dei uoluntati parendum censeo.